



Publicaziuns dalla vischnaunca, jamna 24

Damonda da baghegiar

2019-1023.000

Datum dalla publicaziun: 14 da zercladur

Il patrun: Catrina Resort AG, Via Sontga Catrina 12, 7180 Disentis/Mustér

Il representant: Catrina Resort AG, Via Sontga Catrina 12, 7180 Disentis/Mustér

Object: Construcziun d'in Skill Park sin parcella 1329, Via Aletta, 7180 Disentis/Mustér

Protestas:

Ils plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 7 da zercladur 2019

Cussegl da vischnaunca

Rapport dalla seduta dils 7-6-2019

En sia seduta dils 7 da zercladur 2019 ha il cussegl da vischnaunca, sut il tgamun dad Armin Berther, tractau pliras fatschentas:

- Access Fontanivas: sanaziun ed adattaziun dalla sbuccada, project e credit
- Via Run: Credit per la cumpart dalla sanaziun dalla via e credit per la sanaziun dalla canalisaziun
- Serenera Pardomat: Project e credit
- Program d'activitad
- Plan da finanzas 2020–2024

Il cantun Grischun ha iniziav differents projects per la sanaziun dil stradun dil Lucmagn naven da Disentis/Mustér entochen al Pass dil Lucmagn. Denter auter era il tschancun naven da sum Salaplauna entochen alla punt da Fontanivas. El medem mument preveda il cantun da sanar la sbuccada dalla via che meina a Fontanivas. Grazia alla sanaziun dil stradun eis ei pusseivel da meglierar considerablamein la situaziun dalla sbuccada e digl access a Fontanivas. Il cussegl approbescha il project per la renovaziun ed adattaziun digl access a Fontanivas, conceda per quei project in credit net da frs. 270 000.– e suttametta quella damonda da credit el senn dallas prescripziuns digl art. 21 lit. c dalla constituziun communal al referendum facultativ. La Via Run (via da quartier) sesanfla dapi onns en in fetg schliet stan, perquei ei ina sanaziun da quella via urgenta e necessaria. La fixaziun dall'interessenza succeda tenor las prescripziuns digl art. 63 dalla lescha davart la planisaziun dil territori dil cantun Grischun (LPT) e la procedura da contribuziun tenor las directivas dils art. 22 entochen 25 dall'ordinaziun davart la planisaziun dil territori pil cantun Grischun OPT. El rom da quellas prescripziuns ei igl intschess da contribuziun vegnius definitus. Medemamein ei l'interessenza publica vegnida fixada. Quella munta en consequenza dalla procedura da contribuziun a 20% pil tschancun dalla Via Funs-Dado ed a 60% pils dus tschancuns dalla Via Run. La cumpart ch'ei da financiar entras ils proprietaris da terren munta a 80% per la Via Funs- Dado ed a 40% per la Via Run. Il cussegl conceda il credit da frs. 494 800.– per la cumpart communal vid la sanaziun dalla Via Run e dalla Via Funs-Dado ed il credit da frs. 386 000.– per la cumpart vid la construcziun dalla canalisaziun d'aua schubra ed il remplazzament dalla canalisaziun d'aua tschuffa. Quels conclus vegnan tenor art. 21 lit. c dalla constituziun communal suttamess al referendum facultativ. Pardomat s'auda tier las fracziuns che disponan buca d'ina purificaziun dallas auas piarsas. La realisaziun da quei project ei bein gia in temps pendants, ei denton vegnius remess differentas gadas a favur da projects cun pli aulta prioritad. Ils 27 da settember 2010 ha igl uffeci per la natira ed igl ambient approbau il preproject per la construcziun d'ina serenera communal e disponiu pils cuosts renconuschi ina contribuziun da 20%. Il project preveda da construir a Pardomat Dadens ina serenera communal per omisdus uclivas da Pardomat. La vischnaunca da Sumvitg construescha per quei intent ina canalisaziun naven da Pardomat Dado entochen tier l'emprema colligiazun che succeda davart da Mustér. Naven dall'emprema colligiazun a Mustér vegnan ils cuosts pil tschancun communal reparti ulivamein sin las duas vischnaucas. Il cussegl approbescha il project per la construcziun dalla serenera e dalla canalisaziun a Pardomat e conceda per quei project in credit net da frs. 102 500.–. Plinavon ha il cussegl da vischnaunca priu enconuschientscha dil program d'activitad ed il plan da finanzas 2020–2024.

Suprastonza communal



Referendum facultativ

A caschun da sia seduta dils 7 da zercladur 2019 ha il cussegl da vischnaunca approbau il project per la sanaziun ed adattaziun dalla sbuccada dalla Via Fontanivas el stradun e concediu persunter unanimamein in credit net da frs. 270 000.–. Plinavon ha il parlament communal concediu unanimamein in credit da frs. 494 800.– per la cumpart communal vid la sanaziun dalla Via Run e dalla Via Funs-Dado sco era in credit da frs. 386 000.– per la cumpart vid la construcziun dalla canalisaziun d'aua schubra ed il remplazzament dalla canalisaziun d'aua tschuffa en quei territori. Conform ad art. 21 lit. c dalla constituziun communal ein quellas decisiuns suttamessas al referendum facultativ. Ils messadis davart quellas fatschentas ein exponi per envesta en casa communal (stanza nr. 10). Enteifer 20 dis dapi la publicaziun ufficiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Via d'uaul Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis. Bien engraziament per la capientscha. Disentis/Mustér, ils 13 da mars 2019

Uffeci forestal Disentis/Mustér

Administraziun communal

Muort il firau da Sontgilcrest resta l'administraziun communal serrada naven da mesjamna, ils 19 da zercladur 2019, allas 17.00 entochen venderdis, ils 21 da zercladur 2019, allas 9.00. Bien engraziament per Vossa capientscha.

Administraziun communal

Survetsch d'unviern – nova surdada dallas incaricas

La suprastonza communal intenda da surdar las incaricas pil survetsch d'unviern sin las vias dalla vischnaunca Disentis/Mustér naven digl unviern 2019/20 da niev. Per quei intent vegnan las interpresas da Disentis/Mustér envidadas quels dis da suttametter alla vischnaunca lur ofertas. Il termin per inoltrar in'offerta ei vegnius fixaus sin ils 3 da fenadur 2019. Per inoltrar in'offerta vegn risguardau sulettamein ils formulars ufficials destinai per quei intent. Interpresas ni personas interessadas che han buca retschiert in'invitaziun cun il carnet da duers ed ils formulars d'offerta, san bugen retrer ils documents numnai tier l'administraziun communal per posta electronica uflepp@disentis.ch ni per posta. Disentis/Mustér, ils 6 da zercladur 2019

Uffeci da baghegiar ed infrastruttura

Taglia da tgauns 2019

Possessurs ch'acquistan da niev in tgaun ein obligai da vegnir enteifer 30 dis personalmein al spurtegl dall'administraziun communal per cumprovar la registraziun dil microchip. Il conto sin la



plattafuorma da datas Amicus vegn endrizzaus entras l'administraziun communal. Mintga possessur ei obligaus da registrar acquists, surdadas, mortoris ed exports d'in tgaun. Ils possessurs da tgauns han retschiert directamein in quen cun la taglia da tgauns. Quella munta pigl emprem tgaun a frs. 120.– e per mintga ulteriur tgaun ella medema casada a frs. 180.– per onn. Possessurs da tgauns ch'ei buca registrai tier Amicus ed han tras quei buca retschiert in quen ein supplicai da s'annunziar tier l'administraziun communal. Cun ils mussaments necessaris ein possessurs da tgauns da polizia, tgauns da lavinas sco era tgauns per tschocs e suords deliberai dalla taxa.

Administraziun communal

Temps da vacanzas

Ein ils documents da viadi aunc valeivels? Tgi che planisescha da passentar vacanzas egl exteriur, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 15 dis. Nus appellein da far quella controlla, buca che las vacanzas entscheivien cun dagrettas. Per ulteriur sclariment stat il persunal dall'administraziun communal bugen a Vossa disposiziun.

Administraziun communal

Onn da scola 2019/20

Preziai geniturs, cars affons

Ils uraris da scola ed igl urari dils transports pil proxim onn da scola 2019/20 ein d'anflar naven d'immediat sin www.scoladisentis.ch. Jeu supplicheschel tut/tas scolar/as da Segnas, Buretsch e Cuoz **dalla emprema scoletta** da s'annunziar cun ina nova foto da portret alla staziun da Mustér pigl abbonament dalla MGB (niev sistem dad abo cun il SwissPass). Nus engraziein a Vus cordialmein per la buna collaboraziun duront igl onn da scola che va alla fin e giavischein bialas vacanzas da stad. Cordials salids e sin bien seveser
Nossa scola populara Mustér

poly.kids

Anmeldung siehe Gemeinde Ilanz/Glion

Corporaziun d'aua Las Fontaunas

Radunonza generala dalla corporaziun d'aua Las Fontaunas, Mumpé Medel, sonda, ils 15 da zercladur 2019 allas 20.15 el local la Scursalada Mumpé Medel **Tractandas:**

Avertura

1. Elecziun d'in dumbravuschs
2. Prelecziun ed approbaziun dil protocol dils 24-2-2018
3. Rapport dil president
- 4.a Rendaquen per 2018
- 4.b Rapport dils revisurs ed approbaziun dil quen
5. Orientaziun entras igl inschignier Clemens Arpagaus
6. Taxas annualas
7. Varia

A stedia participaziun envida *la suprastonza*



Biblioteca digitala – uras d'audienza

Biblioteda digitala – tgei ei quei? En la biblioteca digitala saveis Vus cargar giu e-books, e-videos ed e-audios sin vies tablet, telefonin, computer ni e-book-reader. E quei da tuttas uras! Ulteriuras informaziuns anfleis Vus sut dibiost.ch.

Haveis damondas davart la biblioteca digitala ni duvreis agid tier igl emprest da medias digitalas sin Vies aparat? Nus essan bugen cheu per Vus **venderdis, ils 7 da zercladur 2019 e venderdis, ils 5 da fenadur 2019**, mintgamai dallas 17.30–18.30.

Nus selegrein sin Vossa viseta.

Biblioteca populara Disentis/Mustér e contuorn

Center sursilvan d'agricultura

Ils animals gronds da rapina – Co vivan lufs-tscherver e lufs? Exposiziun, sonda, ils 15 da zercladur e dumengia, ils 16 da zercladur, 13.00–17.00, Center sursilvan d'agricultura, Disentis/Mustér.

Luf-tscherver e luf semuossan puspei suenter in liung temps en uauls e muntognas dalla Svizra. Tgei drovan quels animals per viver, pertgei ein els vegni ragischai ora e con gronds ei insumma in luf-tscherver? En in'exposiziun interactiva vegnan ils animals gronds da rapina presentai; tucclar en els ei expressivamein lubiu. Mintgamai il suentermiezdi ein nos guardia-selvaschinas presents denter las 14.00 e 16.00 e raquentan da lur lavur en connex culs animals gronds da rapina en la regiun e stattan a disposiziun per damondas.

Grossraubtiere – Wie leben Luchse und Wölfe? Ausstellung, Samstag, 15. Juni, und Sonntag, 16. Juni, 13–17 Uhr, Center sursilvan d'agricultura, Disentis/Mustér. Luchs und Wolf tauchen nach langer Abwesenheit in Schweizer Wäldern und im Gebirge wieder auf. Was brauchen diese Tiere zum Leben, warum wurden sie damals ausgerottet und wie gross ist eigentlich so ein Luchs? In einer interaktiven Ausstellung werden uns die Grossraubtiere näher gebracht; Anfassen und Ausprobieren ist ausdrücklich erlaubt. An den beiden Nachmittagen sind unsere Wildhüter jeweils zwischen 14–16 Uhr vor Ort, berichten von ihrer Arbeit im Umgang mit Grossraubtieren in der Region und stehen für Fragen zur Verfügung.

Viva Lia Rumantscha a Mustér – prolog pil festival da giubileum

La Lia Rumantscha festivescha uonn siu giubileum da 100 onns. Perquei envida ella **venderdis, ils 14 da zercladur** allas 20.00 en «Sala Fontauna» dil Center da sport e cultura a Mustér per s'entupar, discutir e seregurdar dils eveniments che capetan di per di ella Romontschia.

Program:

- Presentaziun dil festival 100 onns LR tras Johannes Flury, president LR ed Andreas Gabriel, meinaproject 100 onns
- choreografia «romontschia» dils Movis
- cant e musica da Mattiu Defuns
- Contribuziun dil «Telesguard» dil 1986 ord igl archiv da RTR: «Il saltar dil morts» da Duri Sialm e sur Carli Fry. Cul chor viril da Mustér ed acturas ed acturs da tuttas vegliadetgnas.

Suenter la part ufficiala vegn offeriu in aperitiv. L'entrada ei gratuita, tuts ein envidai!

Cordial beinvegni *Lia Rumantscha*

La Lia sin via

Venderdis, ils 14 da zercladur ein ils promoturs regiunals dalla Surselva, Alice Bertogg e David Flepp, da viadi tras Mustér. Tgei dat ei ad ina fiasta da natalezi? iebein, caffè e petta! E quei porschan ils promoturs venderdis avonmiezdi, ils 14 da zercladur naven dallas 8.30 tiel Coop a s. Catrina. Naven dallas 9.30 fan els la suandonta ruta cun lur carret:

Center da sport e cultura–Via Sursilvana–Via Cons–Center da sanadad Puntreis–Casa communal–Volg–«Hotel La Furca»



Allas 12.00 finescha il tur alla staziun dalla Viafier retica. Nus selegrein da s'entupar cun vus!
Alice Bertogg e David Flepp, promoturs regional Surselva

Uniun samaritana

Igl exercezi regional dallas uniuns da Sursassiala ha liug **gliendisdis, ils 17 da zercladur 2019** a Sedrun. Nus s'entupein allas 19.30 avon il Bogn Sedrun. Igl exercezi ha liug per part ordaviert. Buns calzers, resti tenor l'aura ed ina cazzola da maun secapeschan da sesez.
Cordialmein envida *Uniun samaritana Sedrun Tujetsch*

Corporaziun d'aua «Las Fontaunas» Mumpé Medel

Adatg!

Muort maldispostadad dil president vegn la radunonza generala dalla corporaziun d'aua «Las Fontaunas» Mumpé Medel spustada sin **gievvia, ils 20 da zercladur 2019** allas 20.15 el local «La Scursalada» a Mumpé Medel.

Tractandas:

1. Avertura
2. Elecziun d'in dumbravuschs
3. Prelecziun ed approbaziun dil protocol dils 24-2-2018
4. Rapport dil president
 - a) Rendaquen per 2018
 - b) Rapport dils revisurs ed approbaziun dil quen
5. Orientaziun entras igl inschignier Clemens Arpagaus
6. Taxas annualas
7. Varia

A stedia participaziun envida

la suprastonza

Uniun da catschadurs Péz Alpetta

Salvament d'anseuls

Preziai purs

Ussa ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan feïn en loghens nua che cavreuls sesanflan, ein supplicai da s'annunziar tier nus in di avon segar. Aschia savein nus montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira (079 293 41 02) ni al guardiaselvaschina (079 397 35 54). Bien engraziament per Vossa collaboraziun.

Uniun da catschadurs Péz Alpetta

Cuors da reiver per affons 2019 a Mustér/Lai Alv

Informaziun

Ei ha aunc entgins paucs plazs al cuors da reiver a Lai Alv. Uonn meina la colonna d'agid Mustér atras ils cuors da reiver per affons duront las suandontas duas jamnas:



1. jamna 14-7–19-7-2019
2. jamna 21-7–26-7-2019

Prender part san affons dallas annadas 2003–2010. Annunzias ein da far en scret entochen ils 30 da zercladur 2019 a Marco Schmed, Via Plauncas 1, 7180 Mustér. Per ulteriur sclariment statt medemamein Marco Schmed a disposiziun, tel. 081 947 42 02.

E-mail: laialv@disentis.ch

Colonna d'agid Mustér

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 27 da zercladur 2019**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marena e scalfins

Ulteriuras informaziuns e datums anfleis Vus sut

www.uddm.ch

Cordialmein envida

Uniun da dunnas, ressort affons